

C

IIB MA GALO

FAAFINTA  
الرسمية



RASMIGA AH  
الجريدة

JAMHUURIYADDA DIMOQRAADIGA SOOMAALIYA

جمهورية الصومال الديمقراطية

Sannadka 7aad Muqdisho

30 Setember 1979 L. 2 r. 9

FAAFINTA BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S.

QIIMUHU : waa 5 shilin lambar waliba RUKUNKA : Sanad-  
kii waa Sh. 100 Soomaaliya gudaheeda — dibadana waa Sh  
sp. 300. Rukunka la weydiisto waqtiga loo gooyey wixii ka  
bilaabmaa 1 Janaayo Qiimaha qoritaanku F.R. halkii sadar  
iyo waxii ka yar waa laba Sh — Rukunka iyo qoritaanku  
waxaa la weeydiistaa Laanta Maamulka Faafinta Rasmig  
a ah — Lacagta waxa lagu bixinayaa Xafiiska Canshuu-  
raha ee Wasaaradda Lacagta

KOOBNIIN

QAYBTA KOOWAAD

SHARCI

W. M.

QAYBTA LABAAD

XEER MADAXWEYNAHA J.D.S. L. 46 ee 16kii Setember. 79  
Dastuurka Jamhuuriyadda Dimoqaraadiga Soomaaliya.

TALOOPYIN ISGAARSIIN OGEYSIIS IYO WEXII LA MID AH.

QAYBTA SADDEXAAD

W. M.

Wakaaladda Madbacadda Qaranka — Muqdisho

~~XEER MADAXWEYNAHA~~ J. D. S. L. 46 ee iskii Setember 1979

Dastuurka Jamhuuriyadda Dimuqraadiga Soomaaliya

~~MADAXWEYNAHA~~

MARKUU ARKAY: Xaanshada laad, 2aad iyo 3aad ee Kacaanka 21 Oktoobar 1969;

MARKUU ARKAY: Sharciyada 1, 17, 18, iyo 19 ee 1 Luulyo 1976;

MARKUU ARKAY: Oggolaanshadii Mashruuca Dastuurka J.D. S. ee ka soo baxay Shirweynihii aan caadiga ahayn ee Xisbiga Hantiwadaagga Kacaanka Soomaaliyeed ee la qabtay 20 — 29 Janaayo 1979;

MARKUU ARKAY: Sharciga Lr. 16 ee 20 Majo 1979 ee Golaha Dhexe ee Xisbiga Hantiwadaagga Kacaanka Soomaaliyeed ku oggolaaday Mashruuca Dastuurka J. D. S.;

MARKUU ARKAY: Qod. 57aad ee Sharciga L. 23 ee 16 Juunyo 1979 kuna saabsanaa Aftida Dastuurka J. D. S.

MARKUU ARKAY: Qod. 114 Dastuurka J. D. S.

MARKUU ARKAY: Go'aankii Ansaxinta Natijada Aftida Dastuurka J. D. S. taariikhdiisuna ahayd 16 Setembar 1979 ee ka soo baxay Maxkamadda Sare.

WUXUU SOO SAARAYAA XEERKA SOO SOCDA:

#### QODOBKA 1

Waxaa dhaqan galay DASTUURKA JAMHUURIYADDA DIMUQRAADIGA SOOMAALIYA ee ku lifaaqan Xeerkan, laga bilaabo 16 Setembar 1979.

#### QODOBKA 2

Xeerkaan waxaa lagu soo saarayaa Faafinta Rasmiga ah ee Jamhuuriyadda Dimuqraadiga Soomaaliya.

Muqdisho, 16 Setembar 1979

MADAXWEYNAHA J. D. S.

JAALE MAXAMED SIYAAD BARRE



# **DASTUURKA**

JAMHUURIYADDA DIMOQRAADIGA

SOOMAALIYA

MUQDISHO — 1979

## GOGOLDHIGGA DASTUURKA

Shacbiga Soomaaliyeed ee wadajir iyo midmidba ugu halgamaya nolol sharaf leh iyo sinnaan aadaminimo ee qaaya leh, dagaalna ugu jira xasilloonida iyo nabadda joogtada ah, gudaha iyo dibeddaba, si uu u fuliyo danaha guud ee Dadweynaha xoogsatada ah, una xaqiijiyo himilooyinka waaweyn ee Kacaankiisa, midnimada Ummaddisa, hirgelinta dhismaha Hantiwadaagga, si uu u gaaro bulsho ku dhisan caddaalad, sinnaan iyo dimoqraadiyad ijtimaaci ah ee qofkeedu gaaray garaad sare, tiro iyo taya ahaanba, una adkeeyo tiirarka Kacaankiisa iyo gobannimadiisa qiimaha weyn ugu fadhiya, dabadeedna uu u gaaro horumar degdeg ah ee siyaasadeed, dhaqaale iyo bulshaba, wuxuu go'aan ku gaaray inuu qaato Dastuurkan saldbigga u noqon doona halganka horumarinta Bulshada Soomaaliyeed, nabad iskula noolaashada, iskaashiga iyo wax wada qabsiga Ummadaha Addunweynaha, gaar ahaan kuwa ay dantoodu si gaar ah isugu xirmi karto.

DASTUURKA  
JAMHUURIYADDA DIMOQRAADIGA  
SOOMAALIYA

QAYBTA KOOWAAD

Mabaadi' guud

XUBINTA KOOWAAD

Jamhuuriyadda

**Qod. 1aad**

**(Qaranka Soomaaliyeed)**

1. Jamhuuriyadda Dimoqraadiga Soomaaliya waa Qaran Hantiwadaag ah oo ay hoggaamineyso dabaqadda xoggsatada ahi, waa-na qayb ka mid ah Ummadda Carabta iyo Shucuubta Afrika.
2. Awoodda oo dhan waxaa leh Dadweynaha, wuxuuna ugu isticmaalayaa isagoo adeegsanaya hay'adihiisa masila.

**Qod. 2aad**

**(Calanka, Astaanta iyo Magaalo-madaxda)**

1. Calanka Qaranka midabkiisu waa buluug furan, muuqaalkiisuna waa laydi ay dhexda kaga taal xiddig cad oo shan geesley ah, madaxyo simanna leh.
2. Astaanta Soomaaliya waxay ka kooban tahay gaashaan buluug ah oo leh xiddayad

dahabiya, dhexdana ku leh xiddig shan-geesley ah oo dheeh qalin ah leh. Gaashaanka dushiisa waxaa ku yaal rukumo Carbeed ee xardhan, lehna shan madax oo dahabiya oo labada geesaha ku yaalli ay kala qaaran yihiin. Hareeraha waxaa ka haya labo shabeel oo dabiici ah, isuna tismaysan, kuna kala taagan labo waran ee isku weydaaranaya caaradda hoose ee gashaanka, ayna weheliyaan labo caleen-cawbaar oo dabiici ah, diilin cadina ay ay ku qoofalan tahay.

3. Magaalo Madaxda Jamhuuriyadda Dimoqraadiga Soomaaliya waa Muqdisho (Xamar).

#### Qod. 3aad

##### (Diinta iyo Afka)

1. Diinta Islaamku waa Diinta Qaranka
2. Af Soomaaligu waa afka qur ah oo Shacbiga Soomaaliyeed ku wada hadlo, iskuna wada garto, Afka Carabiguna waa Afka Shacbiga Soomaaliyeed, waana midka ku xiriiriya Ummadda Carbeed oo uu ka midka yahay, labadubana waa afafka rasmiga ah ee Jamhuuriyadda Dimoqraadiga Soomaaliya.

#### Qod. 4aad

##### (Midnimada Shacbiga Soomaaliyeed)

1. Shacbiga Soomaaliyeed waa shacbi mid ah, Jinsiyadda Soomaaliyeedna waa mid qura

2. Sharciga ayaa xaddidaya sida lagu helaayo ama lagu waayayo jinsiyadda Soomaaliyeed.

### Qod. 5aad

#### (Dhulka Qaranka)

1. Dhulka Qaranku waa muqaddas, waana laguma xadgudbaan.
2. Gobannimada dhulku waxay koobaysaa berriga, jasiiradaha, biyaha goboleed, dhulka iyo badda uurkooda hoose, hawada sare iyo xeebaleyda.

### Qod. 6aad

#### (Sinnaanta Muwaadiniinta)

Muwaadiniinta oo dhan, iyagoon loo eegin lab iyo dhedig, diin, dhalasho iyo af toona, xuquuqda iyo waajibaadkaba waa u sinman yihiin sharciga hortisa.

### XUBINTA LABAAD

#### XISBIGA

### Qod. 7aad

#### (Awoodda iyo hoggaaminta Xisbiga)

1. Xisbiga Hantiwadaagga Kacaanka Soomaaliyeed waa midka qur ah ee ka jira Dalka Jamhuuriyadda Dimoqraadiga Soo-

maaliya, lamana abuuri karo xisbi kale ama urur siyaasi ah.

2. Xisbiga Hantiwaagga Kacaanka Soomaaliyeed ayaa leh awoodda ugu sareysa ee hoggaaminta siyaasadda, dhaqaalaha iyo bulshada Jamhuuriyadda Dimoqraadiga Soomaaliya.

Qod. 8aad

(Midnimada hoggaanka dalka)

Hoggaaminta Dalku waxay ku dhisan tahay midnimada hoggaanka siyaasadeed ee Xisbiga iyo kan Qaranka.

Qod. 9aad

(Doodaha, go'aanka iyo fulinta)

1. Hay'adaha siyaasadeed ee la doortaa waxay ku shaqeynayaan, heer kasta oo ay yihiin, mabda'a WADARTA DOODAHA, AQLABIYADDA GO'AANKA iyo U WADAJIRKA FULINTA .
2. Hay'adaha Xisbiga dhexdooda, mabda' aasi wuxuu farayaa aragti, dareen iyo doonis mideysan iyo iskuduubni shaqo.

Qod 10aad

(Iskaabidda waajibaadka Xisbiga iyo Qaranka)

1. Hay'adaha Xisbiga iyo kuwa Qaranku



waxay qabanayaan hawlaha mid kasta u gaarka ah ee sharciyadu tilmaamayaan, iyaagoo u maraya jidad kala duwan, si ay u gaaraan ujeedo mid ah.

2. Abaabulka siyaasadeed ee Dalku wuxuu ku dhisan yahay iskaabidda waajibaadka hay'adaha Xisbiga iyo kuwa Qaranka, sida sharciyada ay ku dhisan yihiin tilmaamayaan.

### **Qod. 11aad**

#### **(Xeerka Xisbiga)**

Qaabka dhismaha hay'adaha Xisbiga iyo shaqadooda waxaa caddeynaya Xeerka Xisbiga Hantiwadaagga Kacaanka Soomaaliyeed.

### **Qod. 12aad**

#### **(Ururrada Bulshada)**

- 1.- Qaranku wuxuu jideynayaa dhismaha ururro bulsho oo ka kooban dhallinyaro, shaqaale, iskaashatooyin iyo haween.
2. Ururrada bulshadu waxay u dhismayaan heer Qaran, heer degaan, heer wax soo soo saar iyo xarun waxbarasho.
3. Dhismaha, Xeerarka iyo Barnaamijyada gaar ahaaneed ee Ururrada Bulshadu waa in ay waafaqsanaadaan danaha guud ee Dadweynaha, Dastuurka, Xeerka iyo barnaamijka Xisbiga Hantiwadaagga Kacaanka Soomaaliyeed.

Qod. 13aad

(Awoodda iyo waajibaadka Ururrada  
Bulshada)

Ururrada Bulshadu waxay ka qaybgalayaan, si waafaqsan waajibaadka xeerarkooda gaar ahaaneed u xilsaarayaan, hoggaaminta arrimaha Qaranka iyo Bulshada, iyo xallinta arrimaha la xiriira siyaasadda, dhaqaalaha, bulshada iyo dhaqanka.

Qod. 14aad

(Diimoqraadiyadda Guddoonka Dhexe)

Abaabulka iyo hawlaha Xisbiga iyo Qarankaba waxaa saldhig u ah Mabda'a Diimoqraadiyadda Guddoonka - Dhexe.

XUBINTA SADDEXAAD

(SIYAASADDA DIBEDDA)

Qod 15aad

(Mabda'a Aayakatalinta)

1. Jamhuuriyadda Dimoqraadiga Soomaaliya waxay aaminsan tahay Mabda'a aayakatalinta dadyowga Adduunka, waxayna si buuxda u taageereysaa dhaqdhaqaaqyada gobanimadoonka iyo dhammaan dadyowga u halgamaya xornimadooda iyo madax bannaanidooda.

2. Waxay si adag uga soo horjeeddaa gumeysiga, gumeysiga cusub, imberyaaliyadda caalamiga ah iyo midabtakoorka.

### **Qod. 16aad**

#### **(Dalalka Soomaaliyeed ee la gumeysto)**

Jamhuuriyadda Dimoqraadiga Soomaaliya, iyadoo ku isticmaaleysa dariiq nabadgelyo iyo qaanuun, waxay taageereysaa xoreynta Dalalka Soomaaliyeed ee weli ku jira gacanta gumeysiga, waxayna soo dhaweyneysaa midowga Shacbiga Soomaaliyeed ee ku yimaadda dariiq nabadeed iyo rabitaanka dadka ay khuseyso.

### **Qod. 17aad**

#### **(Siyaasadda dex-dhexaadka iyo nabad-kuwadanoolaashada)**

1. Jamhuuriyadda Dimoqraadiga Soomaaliya waxay ku soconeysaa siyaasadda dhex-dhexaadka wax ku oolka ah.
2. Waxay si buuxda u aqoonsan tahay mabda'a nabad-kuwadanoolaashada Dadyowga Adduunka.

### **Qod. 18aad**

#### **(Siyaasadda wax-wada-qabsiga)**

Jamhuuriyadda Dimoqraadiga Soomaaliya waxay horumarineysaa siyaasadda wax-

wada-qabsiga Dadyowga iyo Qarammada, Adduunka ee ku dhisan kala faa'ideysiga, sinnaanta iyo xurmeynta Gobannimada iyo habka siyaasadeed ee qola kasta u gaarka ah

Qod. 19aad

(Qaanuunka Dawliga ah)

Jamhuuriyadda Dimoqraadiga Soomaa-ya waxay aqoonsantahay Baaqa Caalamiga ah ee Xuquuqda Aadamiga iyo Qaanuunka Dawliga ah ee guud ahaan la aqoonsan yahay.

#### QAYBTA LABAAD

XUQUUQDA, XORRIYAADKA IYO WAAJIBAADKA ASAASIGA AH EE MUWAADINKA IYO QOFKA

Qod. 20aad

(Xuquuqda siyaasiga, dhagaalaha, bulshada iyo hiddaha)

Muwaadin kasta wuxuu xaq u leeyahay in uu ka qaybgalo hawlaha siyaasadeed, dhagaale, bulsho iyo hiddahaba, si waafaqsan Dastuurka iyo Shuruucda.

Qod. 21aad

(Xaqa shaqada)

1. Muwaadin kasta wuxuu xaq u leeyahay

shaqo. Shaqadu waa waajib, sharaf iyo saldhigga Bulshada Hantiwadaagga ah.

2. Qaranku wuxuu horumarinayaa abuurista goobo shaqo si loo xaqiijiyo xaqa muwaadinka ee shaqada.

### **Qod. 22aad**

( Xaqa doorashada )

Muwaadin kasta oo buuxiya shuruudaha sharcigu tilmaamayo wuxuu xaq u leeyahay in uu wax doorto, lana doorto.

### **Qod. 23aad**

(Xaq tacliinta)

Muwaadin kasta wuxuu xaq u leeyahay tacliin lacag la'aan ah.

### **Qod. 24aad**

(Xorriyadda bannaanbaxa, faafinta qoraallada iyo ra'yiga)

1. Muwaadin kasta wuxuu xor u yahay in uu ka qayb galo kulan, bannaanbax ama abaabulkooda.
2. Wuxuu kaloo muwaadinku xor u yahay daabacaadda qoraallada, hadalka iyo bandhigga ra'yigiisa si kastaba ha ku muujiyee.

3. Ku isticmaalka xorroyadaha ku qoran lambarka laad iyo 2aad ee Qodobkan waa ineysan ka hor imaan Dastuurka iyo Shuruucda Dalka, anshaxa guud iyo xasilloonida Dalka, waxna u dhimin xorriyadaha muwaadiniinta kale.

#### Qod. 25aad

(Xaqa nolosha iyo nabadgelinta qofka)

1. Qof kasta wuxuu xaq u leeyahay noloshiisa iyo nabadgelinta qofnimadiisa.
2. Sharciga ayaa tilmaamaya xaaladaha qofku ku muteysan karo ciqaab dil.

#### Qod. 26aad

(Xorriyadda qofnimo)

1. Qof kasta wuxuu xaq u leeyahay xorriyadiisa shakhsiga ah.
2. Qofna lama xiri karo, xorriyadiisa qofnimana ciriiri lama gelin karo, haddii aan loogu imaan isagoo denbi faraha kula jira, ama aan lagu qaban amar ka soo baxay Hay'adaha Garsoorka ee awoodda sharciyeed u leh, iyadoo la raacayo habka Sharcigu tilmaamayo.
3. Qofkii nabadsugid awgeed loo xiro, waa in si deg deg ah loo horgeeyo Hay'adaha Garsoorka ee awoodda sharciyeed u leh

dembiga loo haysto, muddada sharcigu farayo dhexdeeda.

4. Qof kasta ee xorriyaddiisa shakhsiga ah laga qaado waa in isla markiiba la ogeysiiyaa dembiga lagu tuhunsan yahay.
5. Qofna shakhsi ahaan looma baari karo haddii aysan jirin shuruudaha ku tilmaan lambarka 2aad ee Qodobkan ama shuruudaha ku saabsan arrimaha la xiriira garsoorka, caafimaadka iyo maaliyadda, ama nabadgelyo awgeed, iyadoo markasta la raacayo habka Sharcigu tilmaamay, lana dhowrayo sharafka iyo xurmada qofka.

#### **Qod. 27aad**

##### **(Nabadgelinta qofka xorriyaddiisa shakhsiga ah laga qaado)**

1. Qofka xorriyaddiisa shakhsiga ah laga qaado looma geysan karo waxyeello jirkiiisa ama moralkiisa.
2. Ciqaabta jirku waa mamnuuc.

#### **Qod. 28aad**

##### **(Lahaanshaha gaar ahaaneed)**

1. Lahaanshaha gaar ahaaneed waa la damana qaadayaa Sharciga ayaana xaaddidaya dariiqadda lagu kasbi karo ama lagu waayi karo, nuxurkeeda iyo xuduud-

da isticmaalkeeda si loo ilaaliyo dowlada bulshadeed ee ay leedahay.

2. Isticmaalka lahaanshaha gaar ahaaneed waa in uusan marna wax u dhimin danta guud ee bulshada, waana in uusan ka hor imaan ujeeddoyinka Kacaanka.
3. Lahaanshaha gaar ahaaneed waxaa laga gula wareegi karaa dan guud awgeed, gebi ahaanteed ama si ku meel gaar ah, iyadoo qofkii lahaa la siinayo cawilcelin munaasib ah.

Qod. 29aad

(Xurmada hoyga)

Qofna gurigiisa ama meeshii kale ee isaga u gaar ah lama geli karo, haddii aysan jirin shuruudaha ku xusan lambarrada 2aad iyo 5aad ee Qodobka 26aad.

Qod. 30aad

(Xorriyadda isgaarsiinta)

Qarsoodiga warqadaha iyo waxyaalaha kale ee war isgaarsiinta la xiriira lama fara gelin karo, haddii aysan jirin shuruudaha sharcigu tilmaamayo.

Qod. 31aad

(Xorriyadda diinta)

Qof kasta wuxuu xaq u leeyahay inuu



rumeeyo diinta ama caqiiddadii kale ee uu  
aamminsana yahay.

### Qod. 32aad

(Xaqqa dacwada iyo isdifaaca)

1. Qof kasta wuxuu xaq u leeyahay inuu  
dacwad sharciga waafaqsan ka furto  
Maxkamadda awoodda u leh.
2. Qof kasta wuxuu xaq u leeyahay inuu  
iska daafaco Maxkamadda horteeda.
3. Xaaladaha Sharcigu tilmaamayo, Qaran-  
ku wuxuu kafaala qaadayaa inuu bixiyo  
difaac lacag la'aan ah.

### Qod. 33aad

(Mas'uuliyadda cigaabta)

1. Mas'uuliyadda cigaabtu waa shakhsi.
2. Eedeysanuhu wuxuu la mid yahay qof  
aan dembi gelin ilaa Maxkamadi si kama  
dambeys ah ugu caddeeyso dembiga loo  
haysto.

### Qod. 34aad

(Dib u noqosho la'aanta Sharciga Cigaabta)

Qofna looma cigaabi karo fal markii uu  
ku kacay sharcigu dembi uusan u aqoonsa-

neyn, sida aan loogu xukumi karin ciqaab aan sharciga ku xusnayn.

#### Qod. 35aad

(Isucelinta ee deysanaha ama dembiilaha iyo magangelyada siyaasadeed)

1. Jamhuuriyadda Dimoqraadiga Soomaaliya dib waa u celin kartaa gof dembi ka soo galay dalkiisa ama dal kale oo ku soo cararay Dalka Soomaaliyeed, haddii uu jiro heshiis dhexmaray Qaranka Soomaaliyeed iyo kan soo weydiistay celinta ee deysanaha ama dembiilaha.
2. Jamhuuriyadda Dimoqraadiga Soomaaliya waxay siin kartaa xaq magangelyo siyaasadeed gofkii uga soo carara dalkiisa ama dal kale cadaadin siyaasadeed awgeed, isagoo u halgamaya daryeelka danaha dadweynaha, xuquuqda aadamiga ama nabadgelyada.

#### Qod. 36aad

(Ilaalinta hantida guud)

Muwaadin kasta waxaa waajib ku ah ilaalinta iyo xoojiinta hantida guud.

#### Qod. 37aad

(Ka qaybgalka kobcinta dhaqaalaha Dalka)

Qof kasta waxaa waajib ku ah inuu ka

qayb qaato kobcinta dhaqalaha Dalka, bixinta cashuuraadka iyo ka qaybgalka kharashka Qaranka si waafaqsan awooddiisa iyo shuruucda Dalka.

**Qod. 38aad**

**(Difaaca Dalka Hooyo)**

Difaaca Dalka Hooyo iyo adkeynta midnimada shacbiga Soomaaliyeed waa waajib muqaddas ah oo saaran muwaadin kasta.

**Qod. 39aad**

**(Dhowrista Dastuurka iyo Shuruucda)**

Qof kasta waxaa waajib ku ah inuu si daacad ah u dhowro Dastuurka iyo shuruucda Qaranka.

**QAYBTA SADDEXAAD**

**SALDHIGGA DHAQAN DHAQAALA**

**XUBINTA KOOWAAD**

**DHAQAALAHA**

**Qod. 40aad**

**(Horumarinta dhaqaalaha)**

1. Qaranku wuxuu horumarinayaa dhaqaalaha dalka iyo kordhinta wax soo saarka, isla markaana wuxuu xaqiijinayaa in si

caddaalad ah dadweynaha wax loogu qaybsho.

2. Si loo dedejiyo horumarinta Dalka, Qaranku wuxuu dhiirrigelinayaa Mabda'a Iskaa Wax U Qabso.

#### Qod. 41aad

#### (Qaybaha dhaqaalaha)

Dhaqaalaha Jamhuuriyadda Dimoqraadi-ga Soomaaliya wuxuu ka koobmaa qaybaha soo socda :

— QAYBTA HANTIDA QARANKA :

oo ah horseedka horumarinta dhaqaalaha Dalka, lehna, mudnaan gaar ah;

— QAYBTA HANTIDA ISKAASHA-TOOYINKA :

oo lagu horumarinayo dhaqaalaha xubnaha Iskaashatooyinka, isla markaana lagu kobciyo dhaqaalaha guud ee Dalka, Qarankuna qorshadeeda iyo dhiirrigelinteeda ka qayb galo;

— QAYBTA HANTIDA GAAR AHAANEED:

oo ah lahaansho gaar ahaaneed ee aan ku dhisnayn iskudulnoolasha;

— QAYBTA HANTIDA ISKU DHAFKA AH:

oo ah hanti ay wada leeyihiin Qaranka Soomaaliyeed iyo cid kale.

### Qod. 42aad

(Khayraadka dhulka iyo badda)

1. Dhulka, khayraadka dabiiciga ah iyo kuwa badda iyo berrigaba, waa hanti Qaran.
2. Sida ugu habboon oo kheyraadkaas looga faa'iideysanayo Qaranka ayaa sharci ku habeynaya.

### - Qod. 43aad

(Qorshaha dhaqaalaha)

1. Dhaqaalaha Dalku wuxuu ku dhisan yahay qorshe Qaran ee Hantiwadaag ah.
2. Qorshuhu wuxuu leeyahay awood sharci oo ka sarreysa tan shuruucda kale.
3. Waxaa jireysa hay'ad sare ee qorshaha qaranka, Sharciiga ayaana tilmaamaya qaabka dhismaha, waajibaadkeeda iyo awoodeeda.

### Qod. 44aad

(Ganacsiga dibedda iyo gudaha)

Qaranku wuxuu hoggaaminayaa ganacsiga dibedda iyo gudaha, isagoo ku hirgelinaya horumarinta dhaqaalaha Dalka.

### Qod. 45aad

(Haalinta lacagta)

Qaranku wuxuu habeynayaa nidaamka

maaliyadda iyo lacagta ee Dalka, wuxuuna sharci ku goynayaa cashuuraha.

XUBINTA LABAAD  
HORUMARINTA TACLIINTA, CILMIGA  
IYO ADABKA

Qod. 46aad

(Taclinta)

1. Qaranku wuxuu mudnaan gaar ah siinayaa horumarinta, ballaarinta iyo faafinta tacliinta iyo cilmiga, wuxuuna tacliinta u arkaa maalgelinta ugu habboon ee kaalinta ugu weyn ka qaadaneysa horumarinta siyaasadda, dhaqaalaha iyo bulshada soomaaliyeed.
2. Tacliinta Dalka Jamhuuriyadda Dimoqraadiga Soomaaliya waa mid u daneyneysa dabaqadda xoogsatada ah, kuna habeysan waayaha iyo degaanka gaar ahaaneed ee Bulshada Soomaaliyeed.
3. Tacliinta farsamada iyo xirfaddu waxay leeyihiin mudnaanta koowaad.

Qod. 47aad

(Taclinta khasabka ah)

Jamhuuriyadda Dimoqraadiga Soomaaliya tacliintu waa lacag la'aan, waana khasab ilaa iyo dhammaadka dugsiga dhexe.

Qod. 48aad

(Ciribtirka jahliga)

Ciribtirka qoris iyo akhris la'aanta iyo waxbarashada dadka waaweyn waa waajib ummadeed, waana in Dadweyne iyo Qaranba awoodda la isugu geeyaa fulinta waajibkaas.

Qod. 49aad

(Horumarinta cilmiga iyo adabka)

1. Qaranku wuxuu horumarinayaa cilmiga iyo adabka, wuxuuna dhiirrigelinayaa hindisaha cilmiga iyo adabka.
2. Xuquuqda qoraalka iyo hindisaha sharciga ayaa habeynaya.

Qod. 50aad

(Dhallinyarada iyo isboortiga)

Si dhallinyarada loogu xaqiijiyo koritaan jir iyo maskaxeed ee caafimaad qaba, barbaarintooda iyo garaadkooda siyaasadeedna kor loogu qaado, Qaranku wuxuu ahmiyad gaar ah siinayaa horumarinta iyo dhiirrigelinta ciyaaraha jirka iyo isboortiga.

## XUBINTA SADDEXAAD

### DHAQANKA IYO DARYEELKA BULSHADA

#### Qod. 51aad

(Horumarinta hiddaha iyo dhaqanka)

1. Qaranku wuxuu horumarinayaa hiddaha iyo dhaqanka horusocodka ah ee Shacbiga Soomaaliyeed, iyadoo isla markaas laga faa'iideysanayo aqoonta caalamiga ah ee bulshada aadamina.
2. Wuxuu dhiirrigelinayaa fanka, suugaanta iyo ciyaaraha waddaniga ah ee dadweynaha.
3. Wuxuu ilaalinayaa, daryeelayaa, waxyaabaha iyo xarumaha Taariikhiga ah ee Dalka.

#### Qod. 52aad

### (Caadooyinka Bulshada)

Qaranku wuxuu dhawrayaa caadooyinka hagaagsan, wuxuuna bulshada ka xoreynayaa caadooyinka haraaga ah, iyo kuwa laga dhaxlay gumeysiga, gaar ahaan qabyaaladda eexda, goboleysiga.

#### Qod. 53aad

### (Xannanada Dhallaanka)

Qaranku wuxuu horumarinayaa guryaha



xannaanada carruurta iyo xarumaha dhallinta Kacaanka.

• Qod. 54aad

(Horumarinta Miyiga)

Qaranku wuxuu xoojinayaa barnaamijka Joogtaynta Ololaha Horumarinta Reer Miyiga si loo tirtiro jahliga, laysuguna soo dhaweeyo noloshu reer miyiga iyo reer magaalka.

Qod. 55aad

(Caafimaadka)

Qaranku, isaagoo fulinaya siyaasadda daryeelka caafimaadka guud, wuxuu xoojinayaa ka hortagga cudurrada faafa, daryeelka nadaafadda guud iyo daaweynta lacag la'aanta ah.

Qod. 56aad

(Daryeelka Qoyska)

1. Qaranku wuxuu daryeelayaa Qoyska isaagoo u arkaya aasaaska bulshada, wuxuu-na taakuleynayaa hooyada iyo ilmaha.
2. Qaranku wuxuu xil iska saarayaa xannaanada naafada, carruurta aan waalidkood la aqoon iyo dadka duqooba, haddeyan lahayn cid kale ee xannaanaysa.
3. Qaranku wuxuu kafaala qaadayaa carru-

urta waalidkood ku geeriyoodo difaaca  
Dalka.

### Qod. 57aad

(Shaqada iyo Shaqaalaha)

1. Qaranku wuxuu dhowrayaa, horumarina-  
yaana shaqada iyo noocyadeeda kala  
duwan.
2. Dalka Jamhuuriyadda Dimoqraadiga Soo-  
maaliya, da'da ugu yar ee shaqada loo  
qaadan karo waa 15 sano.
3. Xoogsatadu waxay xaq u leeyihiin, iya-  
doo aan sina loo kala soocin, mushaar u  
dhigma hawsha ay qabtaan iyo qiimahee-  
da.
4. Xoogsatadu waxay xaq u leeyihiin nasa-  
sho toddobaad iyo fasax sannadeed.
5. Sharcigu wuxuu xaddidayaa saacadaha  
shaqada, habka iyo dadka loo qaadan  
karo shaqooyinka qaarkood.

### Qod. 58aad

(Qiimeynta Shaqada)

Qiimeynta Shaqada Qaranku wuxuu ku  
dabbaqayaa mabda'a: QOF KASTA INTA AY  
KARTIDIISU LA EG TAHAY INUU QABTO,  
QOF KASTANA INTA AY SHAQADIISU LA  
EG TAHAY INUU QAATO.

**Qod. 59aad**

**(Taakuleynta iyo badbaadinta Bulshada)**

Qaranku wuxuu horumarinayaa habka taakuleynta iyo badbaadinta Bulshada, wuxuuna xoojinayaa hay'adaha caymiska guud ee Dalka.

**QAYBTA AFRAAD**

**QAABKA DHISMAHA QARANKA**

**MADAXA KOOWAAD**

**GOLAHA SHACBIGA**

**Xubinta Koowaad**

**NIDAAMKA IYO HAWLAHA GOLAHA  
SHACBIGA**

**Qod. 60aad**

**(Awoodda sharci dejinta)**

Awoodda sharci dejinta Jamhuuriyadda Dimoqraadiga Soomaaliya waxay gaar u tahay Golaha Shacbiga.

**Qod. 61aad**

**(Doorashada Golaha Shacbiga)**

1. Golaha Shacbigu wuxuu ka kooban yahay xildhibaanno Dadweynuhu ku soo doortay madaxbannaani, toos iyo qarsoodi.

2. Xilka Xildhibaanjada Golaha Shacbiga waxaa loo dooran karaa qofkasto Soomaali ah oo da'disu ay gaartay 21 sano. Sharsiga ayaa xaddidaya xaaladaha qofka aan la dooran karin.

3. Tirada Xildhibaanada, shuruudaha iyo habka doorashada waxaa tilmaamaya sharci gaar ah.

4. Madaxweynaha Jamhuuriyadda Dimoqraadiga Soomaaliya wuxuu u magacaabi karaa Xildhibaanada Golaha Shacbiga haa iix qof oo laga dhax xulo. Dadka si gaar ah ugu soocmay goobaha eelbaga adafka iyo kanka, ama leh qummo sare ee waddanimo.

#### Qod 62aad

#### (Muddada xilka)

1. Muddada xilka Golaha Shacbigu waa shan sano, laga bilaabo maalinta la soo saaro natiijada doorashada.
2. Markii ay timaaddo duruuf suurta gelin weyda in doorasho la qabto, Madaxweynaha Jamhuuriyadda Dimoqraadiga Soomaaliya, isagoo la tashaday Golaha Dhexe ee Xisbiga Hantiwadaagga Kacaanka Soomaaliyeed wuxuu awood u leeyahay inuu muddada ku kordhiyo waqti aan hal sano ka badneyn.

## Qod. 64aad

### (Kala diridda Golaha Shaabiga)

1. Golaha Shaabiga waa la kala diri karaa isagoon waqtigisu dhammaan, marka ay talo ku soo jeedyaan saddex meelood meel xildhibaanada Golaha, ayna isku raacaan saddex meelood laba.
2. Waxaa kale oo kala diri kara Madaxweynaha Jamhuuriyadda, isagoo la tashaday Golaha Dhexe ee Xisbiga Hantiwadaagga Kacaanka Soomaaliyeed iyo Guddiga Joogtada ah ee Golaha Shaabiga.
3. Doorashada Golaha cusubi waxay dhacaysaa saddex bilood gudahood laga bilaabo maalinta lagu dhawaaqo go'aanka kala dirka Golaha.

## Qod. 64aad

### (Kalfadhiyada)

1. Golaha Shaabigu sannadkiiba wuxuu yee lanayaa laba kalfadhi.
2. Goluhu wuxuu isugu imaan karaa fadhi aan caadi ahayn markii uu sidaas go'aan ku gaaro Guddiga Joogtada ah, ama ay codsadaan saddex meelood meel Xildhibaanada Goluhu.
3. Madaxweynaha Jamhuuriyadda Dimo-

qraadiga Soomaaliya wuxuu awood u leeyahay inuu Golaha isugu yeero fadhian caadi ahayn.

Qod. 65aad

(Fadhiyada iyo go'aannada Golaha)

1. Golaha Shacbigu wuxuu fadhigiisa ugu horreeya ka dhex dooranayaa xubnihiisa Guddoomiye, Guddoomiye Ku-Xigeenno iyo Guddiga Joogtada ah.
2. Fadhiyada Goluhu waa u furan yihiin dadweynaha. Hase yeeshee fadhiyo qarsoodi ah waa la qaban karaa haddii ay soo jeediyaan Madaxweynaha Jamhuuriyadda, Guddiga Joogtada ah, Dawladda ama ugu yaraan afar meelood meel xildhibaannada, Goluhuna oggolaado.
3. Fadhiyada Goluhu wuxuu ku ansaxayaa marka ay ka soo qaybgalaan Xildhibaannada intooda badan.
4. Go'aannada Goluhu waxay ku ansaxayaan cod hal dheeri ah haddii Dastuurka ama Sharcigu uusan tilmaamin aqlabiyad gaar ah.

Qod. 66aad

(Xeer Hoosaadka Golaha)

Habka shaqada Golaha Shacbiga waxaa lagu nidaaminayaa Xeer Hoosaadka Goluhu guddonsado.

Qod 67aad

( Awoodaha Golaha )

Golaha Shacbigu wuxuu leeyahay awoodaha soo socda:-

1. Wax ka beddelidda Dastuurka Dalka;
2. Dejinta shaciyada iyo oggolaashaha go'aannada saameeya horumarka Dalka;
3. Doorashada iyo xil ka qaadidda Madaxweynaha Jamhuuriyadda Dimoqraadiga Soomaaliya sida ku cad Qod. 80aad ee Dastuurka;
4. Doorashada iyo xil ka qaadidda Guddiga Joogtada ah ee Golaha Shacbiga;
5. Oggolaashada heshiisyada caalamiga ah ee ku saabsan siyaasadda, dhaqaalaha, ganacsiga, ama heshiisyada Qaranka u keenaya masuuliyad lacageed.
6. Hubinta dhawridda Dastuurka iyo sharciyada Dalka;
7. Oggolaashaha qorshaha horumarinta dhaqaalaha Dalka;
8. Oggolaashaha miisaaniyadda sannadka iyo miisaanayadda xisaabxirka.
9. La xisaabtanka Dawladda iyo xubnaheeda;

10. Awoodaha kale ee Dastuurku siiyey Golaha.

Qod. 68aad

(Xilsaarasho Sharci dejin)

1. Golaha Shacbigu wuxuu Dawladda u wakii-lan karaa inay ka soo saarto sharci, waq-ti xaddidan gudahiis, arrimo la isla meel dhigay. Sharciga xilsaarashada waa lagu tilmaami karaa mabaadi'da ama tusaalo-ooyinka in Dawladdu raacdo loo baahan yahay.
2. Sharciga Dawladda loo wakiishay waxaa lagu soo saarayaa xeer Madaxweyne.

Qod. 69aad

(Sharciyada degdegga ah)

1. Markii ay jiraan duruuf gaar ahaaneed ee degdeg ah, Dawladdu waxay dejin kartaa sharci leh dhaqan ku meel gaar ah oo lagu soo saaro Xeer Madaxweyne. Muddo bil ah gudaheed waa in sharcigaas lagu hor geeyaa Golaha Shacbiga, ama Guddiga Joogtada ah, si looga dhigo mid rasmi ah.
2. Golaha Shacbigu, haddii uu kulansan yahay, ama Guddiga Joogtada ah, marka uusan Goluhu kulansaneyn, waa in ay go'aan ka gaaraan 15 maalmood gudahood laga bilaabo taariikhda Sharciga la soo hordhigay.



## Qod. 70aad

### (Mashruuc Sharci)

Mashruuc Sharci waxaa soo jeedin kara Madaxweynaha Jamhuuriyadda Dimoqraadiga Soomaaliya, Guddiga Joogtada ah ama Dawladda. Waxaa kaloo soo jeedin kara xildhibaannada Golaha Shacbiga haddi ay soo jeedintaa isku raacaan saddex meelood meel xildhibaannada Goluhu.

## Qod. 71aad

### (Sharciyada Saameynaya Istraatejiyada Xisbiga)

Mashruuc sharci oo kasta ee saameynaya istraatejiyada Xisbigu ku xaqiijinayo himilooyinka Kacaanka iyo nidaamka uu Dalka ku hoggaaminayo waa in Golaha Dhexe ee Xisbigu soo oggolaadaa, inta aan Golaha Shacbigu go'aan kama dambeys ah ka gaarin.

## Qod. 72aad

### (Soo saaridda iyo faafinta Sharciga)

1. Sharci kasta ee Golaha Shacbiga ama Guddiga Joogtada ah isku raaco waxaa soo saaraya Madaxweynaha shaniyo-afartan maalmood dhaxdood.
2. Madaxweynaha Jamhuuriyadda Dimoqraadiga Soomaaliya wuxuu awood u

leeyahay, muddada ku xusan lambarka laad ee qodobkan dhexdeeda, in uu sharcigaas dib ugu celiyo Golaha Shacbiga, isagoo sababta raacinaya, codsanayana in dib looga doodo, go'aanna laga gaaro.

3. Haddii Goluhu mar kale saddex meeloodo laba xubnihiisa sharcigaas isku raaco, Madaxweynuhu waa inuu ku soo saaraa shan iyo afartan maalmood gudahood.
4. Sharciga Goluhu isku raaco, Madaxweynuhuna soo saaro, waxaa lagu baahinayaa Faafinta Rasmiga ah, wuxuuna dhaqan galayaa 15 maalmood kaddib marka lagu soo saaro Faafinta Rasmiga ah, haddusan sharcigu muddo ka duwan sheegin.

#### Qod. 73aad

#### (Xildhibaan ka)

1. Xildhibaan kasta wuxuu masilayaa danta guud ee Shacbiga Soomaaliyeed.
2. Xildhibaan ku marka uu hawsha Golaha bilaabay wuxuu marayaa dhaarta soo socota :

«Waxaan magaca Ilaahey iyo kan Wadanka ku marayaa inaan ammaano, kalsoni iyo hagar la'aan ugu adeego Shacbiga Soomaaliyeed, inaan fuliyo mabaadiida Kacaanka 21ka Oktoobar 1969, inaan dhawro Dastuurka iyo Shuruuca Dalka.

inaan hirgeliyo mabaadi'da Hantiwadaagga, inaan ilaaliyo danta guud ee Shacbiga iyo danaha Qaranka Soomaaliyeed. inaan kartideyda oo dhan ku daafaco madaxbannaanida, gobannimada iyo midnimada Dalka, inaan danta guud ka hormariyo danteyda gaar ahaaneed, inaan dadka Soomaaliyeed ku dhaqo sinnaan iyo cadaalad».

3. Xildhibaanaka dhibaato kama soo gaari karto fikradaha iyo aaraada uu ka hor dhiibto Golaha iyo Guddiyadiisa isagoo gudanaya xilkiisa.
4. Xildhibaanaka Golaha laguma qaadi karo dacwad ciqaabeed, lama xiri karo, lamana baari karo qof ahaan ama hoygiisa, haddaan lagu qaban isagoo dembi faraha kula jira, ama laga haysan oggolaasho Golaha Shacbiga, markuusan kulansaneenna Guddiga Joogtada ah isagoo dib uga ansaxinaya Golaha Shacbiga.
5. Xildhibaanaka Goluhu wuxuu xilkiisa gudanayaa isagoo wata hawlihiisii hore ee caadiga ahaa. Inta ay socdaan kalfadhiiyadu ama marka loo diro hawl la xiriirta xilka Golaha, Xildhibaanaku wuxuu xaq u yeelanayaa gunno lagu xaddidi doono sharci gaar ah.

#### Qod. 74aad

##### (Xil ka qaadidda Xildhibaanaka)

1. Xildhibaan kasta ee oofin waaya shu-

ruudaha Xildhibaannimada, ama ka soo bixi waaya waajibaadka xilkiisa la xiriira, waxaa laga qadayaa xilka.

2. Xildhibaan kasta Dadweynihii soo doortay waa kala noqon karaan kalsoonidooda, waxaana codsigaas soo jeedin kara afar meelood meel doortayaasha.
3. Xil ka qaadidda Xildhibaanka waxaa hal dheeri xubnihiisa ku guddoominaya Golaha Shacbiga.

Qod. 75aad

(Kormeeridda Golaha)

1. Xildhibaan kasta wuxuu xaq u leeyahay inuu u jeediyo Dawladda ama Xubnaheeda su'aalo iyo afti oo ay waajib ku tahay inay ka jawaabaan labaatn maalmood gudahood.
2. Goluhu wuxuu amri karaa in baaris la sameeyo isagoo u xilsaaraya waajibkaas guddiyo ka kooban Xildhibaannihiisa.

XUBINTA LABAAD

GUDDIGA JOOGTADA AH

Qod. 76aad

(Xilka Guddiga Joogtada ah)

Guddiga Joogtada ah waa hay'adda hog-

gaamisa hawlaha Golaha, wuxuuna qabtaa xilka Golaha Shacbiga, muddada u dhexeysa kalfadhiyada, marka laga reebo awoodaha ku xusan Qod. 67aad, lambarradiisa 1, 3, 7 iyo 8, iyo Qod. 82aad, lambarradiisa 3 iyo 12 ee Dastuurka.

### **Qod. 77aad**

#### **(Xubnaha Guddiga Joogtada ah)**

1. Guddiga Joogtada ah wuxuu ka kooban yahay xubnaha soo socda :
  - Guddoomiye;
  - Guddoomiye Ku-xigeenno;
  - Xoghaye iyo
  - Toban xubnood.
2. Guddoomiyaha iyo Guddoomiye Ku-xigeennada Golaha Shacbiga ayaa noqonaya Guddoomiyaha iyo Guddoomiye Ku-xigeennada Guddiga Joogtada ah.

### **Qod. 78aad**

#### **(Awoodda Guddiga Joogtada ah)**

Guddiga Joogtada ah wuxuu leeyahay awoodaha soo socda :

- 1) Dejinta iyo wax ka beddelidda Sharciyada muddada u dhexeysa kalfadhiyada Golaha, isagoo kaddib ka ansaxinaya Golaha Shacbiga;

- 2) Fasiraadda Sharciyada iyo go'aannada Goluhu soo saaro;
- 3) Isugu yeeridda kalfadhiyada iyo fadhiyada aan caadiga ahayn ee Golaha Shacbiga;
- 4) Ilaalinta maamulka doorashada Xildhibaanada Golaha Shacbiga;
- 5) Wax alla wixii awood ah ee Dastuurku siiyey ama Golaha Shacbigu u xil saaro.

#### MADAXA LABAAD

#### MADAXWEYNAHA JAMHUURIYADDA DIMOQRAADIGA SOOMAALIYA

Qod: 79aad

(Madaxa Qaranka)

Madaxweynaha Jamhuuriyadda Dimoqraadiga Soomaaliya waa madaxa Qaranka, wuxuuna masilaa awoodda Qaranka iyo midnimada Shacbiga Soomaaliyeed.

Qod. 80aad

(Doorashada iyo muddada xilka)

1. Madaxweynaha Jamhuuriyadda waxaa soo sharraxaya Golaha Dhexe ee Xisbiga Hantiwadaagga Kacaanka Soomaaliyeed, Golaha Shacbiga ayaana dooranaya.

2. Doorashada Madaxweynaha waa in ay isku raacaan saddex-meelood laba Xildhibaanada Golaha Shacbiga, aftida koowaad iyo labaad. Aftida saddexaad waxaa ku filan cod hal dheeri ah Xildhibaanada Golaha.
3. Golaha Shacbigu waa casili karaa Madaxweynaha isagoo raacaya hababka ku xusan lambarka koowaad iyo labaad ee Qodobkan.
4. Madaxweynaha Jamhuuriyaddu wuxuu xilka haynayaa lix sano laga bilaabo maalinta la dhaariyo, dibna waa loo dooran karaa.
5. Marka uu hawsha bilaabay, Madaxweynaha Jamhuuriyaddu wuxuu marayaa dhaarta ku xusan Qod. 73aad ee Dastuurka.

### Qod. 81aad

#### (Shuruudda Doorashada)

Waxaa loo dooran karaa jagada Madaxweynaha Jamhuuriyadda Dimoqraadiga Soomaaliya qof kastoo Soomaali ah, aabihii iyo hooyadiina Soomaali asal ah yihiin, horey aan u guursan, intuu xilka hayana guursanin, qof aan Soomaali asal ah ahayn, lehna shuruudaha lagu dooran karo xildhibaanada Golaha Shacbiga, da'diisuna gaartay afartan sano.

## Qod. 82aad

### (Awoodda iyo Hawlaha Madaxweynaha)

Madaxweynaha Jamhuuriyadda Dimo-  
graadiga Soomaaliya awoodaha iyo hawlaha  
Dastuurka iyo Sharciyadu siinayaan waxaa u  
wehliya kuwa soo socda :

1. masilaadda xiriirka Qaranku la leeyahay dibedda;
2. masilaadda midnimada hoggaanka siyaasadeed ee Xisbiga iyo Qaranka;
3. meelmarinta heshiisyada caalamiga ah ee saameynaya difaaca iyo nabadda, qarannimada iyo madaxbannaanida Jamhuuriyadda, kaddib marka ay oggolaadaan Golaha Dhexe ee Xisbiga iyo Golaha Shacbiga;
4. meelmarinta heshiisyada kale ee caalamiga ah;
5. qaabilaadda iyo aqoonsiga danjirayaasha iyo madaxda ergooyinka shisheeyaha;
6. guddoominta shirarka ay u wada jiraan hay'adaha Xisbiga iyo kuwa Qaranku;
7. magacaabidda iyo xil ka wareejinta Wasiirrada iyo Wasiirro Ku-xigeennada;
8. magacaabidda iyo xil ka wareejinta Guddoomiyaha Maxkamadda Sare iyo Xeer



Ilaaliyaha Guud ee Qaranka isagoo dhegeystay talada Golaha Dhexe ee Xisbiga;

9. magacaabidda iyo xil ka-qaadidda saraakiisha sare ee Qaranka, isagoo dhegeystay talada Golaha Wasiirrada;
10. inuu bixiyo masaabax, ciqaabtana dhimo;
11. waa Taliyaha Sare ee Ciidammada Qalabka Sida iyo Guddoomiyaha Guddiga Difaaca Qaranka;
12. ku dhawaaqidda xaaladaha dagaalka iyo nabadda, kaddib marka ay go'aamiyaan Golaha Dhexe ee Xisbiga iyo Golaha Shacbigu;
13. inuu dadweynaha u bandhigo afti markii ay Dalka la soo gudboonaadaan arrimo muhiim ah;
14. inuu soo saaro xeerar Madaxweyne;
15. bixinta billadaha iyo aqoonsiyada mudnaanta ee kale.

#### Qod. 83aad

(Awoodda aan caadiga ahayn ee  
Madaxweynaha)

1. Madaxweynaha Jamhuuriyadda Dimoqraadiga Soomaaliya wuxuu awood u leeyahay, isagoo la tashaday Guddiga Difaaca Qaranka, inuu xukun degdeg ah ku soo

rogo, tilaabo kasta oo ku habboonna ka qaado, Dalka guud ahaantiis ama qayb ka mid ah, marka ay la soo gudboonadaan arrimo khatar gelinaaya qarannimada, nabadgelyada gudaha ama dibedda ee Dalka, ama markasta oo ay jirto baahi lagama maarmaan ah.

2. Xaaladaha dagaalka, Madaxweynuhu wuxuu la wareegayaa awoodda Dalka oo dhan, ku dhaqanka qodobbada Dastuurka ee aan la socon karin xaaladahaasna waa la laalayaa.

#### Qod. 84aad

#### (Madaxweyne Ku-xigeen)

1. Madaxweynaha Jamhuuriyadda Dimoqraadiga Soomaaliya wuxuu magacaabi karaa Madaxweyne Ku-xigeen ama Madaxweyne Ku-xigeenno, isagoo dhegeystey ra'yiga Golaha Dhexe ee Xisbiga iyo Golaha Shacbiga.
2. Madaxweyne Ku-xigeenku marka uu hawshiisu bilaabay, wuxuu marayaa dhaarta ku xusan Qod. 73aad ee Dastuurka.

#### Qod. 85aad

#### (Xil gudasho karid la'aan)

1. Marka ay geeri ku timaaddo, ama shaqo ka fariisad, ama sabab joogto ah ee ka reebeysa Madaxweynaha Jamhuuriyadda

Dimoqraadiga Soomaaliya inuu xilkiisa guto, waxaa la dooranayaa Madaxweyne cusub lixdan casho gudahood, iyadoo la raacayo habka ku xusan Qodobka 80aad ee Dastuurka.

2. Inta ay doorashada Madaxweynaha cusub ka dhacayso iyo markastoo ay jiraan sababo aan joogto ahayn ee ka reebaya Madaxweynaha inuu guto xilkiisa, waxaa jagadiisa sii haynaya Madaxweyne Ku-xigeenka koowaad ee Jamhuuriyadda.

## MADAXA SADDEXAAD

### DAWLADDA

### XUBINTA KOOWAAD

### MAAMULKA DAWLADDA DHEXE

#### **Qod. 86aad**

#### **(Golaha Wasiirrada)**

1. Golaha Wasiirradu waa hay'adda ugu sarreysa fulinta maamulka Dawladda.
2. Golaha Wasiirradu wuxuu ka kooban yahay Guddoomiyaha Golaha Wasiirrada iyo Wasiirrada.
3. Guddoomiyaha Golaha Wasiirrada waxaa noqonaya Madaxweynaha Jamhuuriyadda Dimoqraadiga Soomaaliya.

4. Madaxweynuhu wuxuu magacaabi karaa, haqdii ay la habboonaato, Wasiir Koowaad.

Qod. 87aad

(Awoodda Golaha Wasiirrada)

Awoodaha Dastuurka iyo Sharcigu siinayo ka sokow, Golaha Wasiirradu wuxuu leeyahay awoodaha soo socda :

1. inuu hor dhigo Golaha Shacbiga talooyin sharci;
2. inuu jiheeyo, iskuna duwo, kormeerana hawlada Dawladda;
3. inuu soo saaro xeerar;
4. inuu hoggaamiyo hawlaha la xiriira difaaca iyo nabadgelyada Qaranka;
5. inuu diyariyo miisaaniyadda sannadka iyo xisaab-xirkeeda;
6. inuu dejiyo qorshaha lagu horumarinaayo dhaqaalaha Dalka;
7. inuu la galo heshiisyo waddammada dibedda iyo hay'adaha caalamiga ah;
8. inuu qaado tallaabo kastoo uu ku ilaali-naayo danta Qaranka iyo nabadgelyada dadweynaha, isagoo dhowraya xadka Dastuurku u gooyey awooddiisa.

### Qod. 88aad

#### (Nidaamka Dawladda)

1. Awoodaha iyo xilka Golaha Wasiirrada ee aan Dastuurkan ku xusneyn, tirada iyo xilka wasaaradaha, waxaa lagu caddeynayaa sharci gaar ah.
2. Habka dhismaha Golaha Wasiirrada, Wasaaradaha iyo Xafiisyada la xiriira, waxaa lagu nidaaminayaa Xeer Madaxweyne.

### Qod. 89aad

#### (Mas'uuliyadda cigaabeed ee Wasiirrada)

1. Wasiirradu waxay mas'uul ka yihiin dembiyada ka dhasha fulinta xilkooda.
2. Shariciga ayaa tilmaamaya habka Wasiirrada loogu qaadayo dembiyada ka dhasha fulinta xilkooda iyo dembiyada kaleba.

### Qod. 90aad

#### (Dhaarta)

Xubnaha Dawladda, marka ay xilkooda billaabayaan, waxay Madaxweynaha Jamhuuriyadda hortiisa ku marayaan dhaarta ku xusan Qod. 73aad ee Dastuurka.

### Qod. 91aad

#### (Barnaamijka Dawladda)

Dawladdu magacaabiddeeda kaddib, wa-

xay Golaha Dhexe ee Xisbiga iyo Golaha Shacbiga soo hordhigeysaa barnaamijka ay dooneyso inay hirgeliso.

Qod. 92aad

(Wasiirro Ku-xigeenno)

Wasiirrada waxaa xilkooda ku kaalin kara Wasiirro Ku-xigeenno uu magacaabo Madaxweynaha Jamhuuriyadda, isagoo dhegeystay talada Golaha Wasiirrada.

## XUBINTA LABAAD

### BAAHINTA AWOODDA IYO MAAMULKA DALKA

Qod. 93aad

(Fidinta Maamulka)

Xilka maamuleed ee Qaranka waxaa lagu fidinayaa, inta ay suurta gal tahay, maamulka hoose iyo wakaaladaha.

Qod. 94aad

(Maamulka Hoose ee Qaranka)

1. Awoodda maamulka hoose waa qayb ka mid ah awoodda Maamulka Dhexe ee Jamhuuriyadda Dimoqraadiga Soomaaliya.
2. Sharciga ayaa u nidaaminaya awoodda maamulka hoose, si waafaqsan mabda'a dimoqraadiyadda guddoonka dhexe.

**Qod. 95aad**

**(Golayaasha Shacbiga ee Degaanka)**

1. Dadweynuhu si toos ah ayuu u dooranayaa Xubnaha Golayaasha Shacbiga ee Degaanka .
2. Sharcigu wuxuu tilmaamayaa dhismaha, awoodda, ilaha dhaqaale iyo xiriirka Golayaasha Shacbiga ee Degaanku la leeyihiin Xisbiga, Golaha Shacbiga iyo Dawladda.

**MADAXA AFRAAD**

**GARSOORKA**

**XUBINTA KOOWAAD**

**MABAADI'DA GARSOORKA**

**Qod. 96aad**

**(Ujeeddada Garsoorka)**

1. Maxkamadaha iyo Xeer Ilaalintu waxay ilaalinayaan nidaamka Qaranka Hantiwadaagga ah iyo dhismihiisa bulsho.
2. Maxkamadaha iyo Xeer Ilaalintu guda-shada xilkooda, waxay ku barbaariyaan muwaadinka Soomaaliyeed inuu ka gayb qaato dhismaha Dalka, difaaca nidaamka Hantiwadaagga, dhawrista sharciyada,

habka wada noolaashada bulshadeed iyo daacadnimo u gudashada waajibaadka Qaranka iyo Bulshadu ku leeyihiin.

3. Garsooruhu wuxuu sugaa dhawrida sharciyada, wuxuuna kafaalo qaadaa ilaalinta xorriyadda, xuquuqda iyo nolosha murwadiinka, danaha iyo sharafta qofka aadamiga ah.

Qod. 97aad

(Midnimada Garsoorka)

Garsoorka Jamhuuriyadda Dimoqraadiga Soomaaliya waa mid mideysan.

Qod. 98aad

(Madaxbannaanida Garsoorka)

Garsoorayaasha Maxkamadaha iyo xeer-ilaaliyayaashu waa u madax bannaan yihiin hawshooda, lagama qaadi karo xilka, xaaladaha Sharcigu tilmaamay mooyaane, waxayna u hoggaansamayaan Sharciga oo keliya.

Qod. 99aad

(Doodaha Maxkamadaha)

1. Doodaha Maxkamaduhu, mabda' ahaan, waa tiraab, dadweynuhuna waa dhegeysan karaa. Sharciga ayaa tilmaamaya xaaladaha Maxkamadaha albaabka loo xiri karo.



2. Xukunka Maxkamadaha waxaa lagu soo saarayaa Magaca Dadweynaha Soomaaliyeed.

## XUBINTA LABAAD

### MAXKAMADAH

#### Qod. 100aad

#### (Maxkamadaha Jamhuuriyadda)

1. Maxkamadaha Jamhuuriyadda Dimoqraadiga Soomaaliya waa kuwa soo socda: Maxkamadda Sare, Maxkamadaha Rafcaanka, Maxkamadaha Gobollada, Maxkamadaha Degmooyinka, Guddiyada Garsoorka ee goobaha shaqada iyo Maxkamadaha Ciidammada Qalabka Sida.
2. Waxaa la dhisi karaa Maxkamado gaar ah ee awooddooda iyo dhismahooda lagu jideeyey Sharci.
3. Guddiyada Garsoorka ee Maxkamadaha waxaa ka qayb gala Garsoorayaal dadweyne ee Sharci gaar ah lagu dhisay.

#### Qod. 101aad

#### (Maxkamadda Sare)

Maxkamadda Sare waa hay'adda ugu sarreysa Garsoorka Jamhuuriyadda Dimoqraadiga Soomaaliya. Waxay habeysaa, kormeertana hawlaha Maxkamadaha oo dhan.

Qod. 102aad

(Habka shaqada Maxkamadaha)

Habka shaqada Maxkamadaha Jamhuuriyadda Dimoqraadiga Soomaaliya iyo magacaabidda Garsoorayaasha waxaa nidaaminaya sharci gaar ah.

XUBINTA SADDEXAAD

( XEER ILAALINTA )

Qod. 103aad

(Xeer Ilaalinta Guud ee Qaranka)

1. Xeer Ilaalinta Guud ee Qaranku waxay ka kooban tahay: Xeer Ilaaliyaha Guud iyo Kuxigeennadiisa.
2. Qaabka Dhismaha Xeer Ilaalinta Guud iyo Hawlaha Xubnahaheeda waxaa nidaaminaaya Sharci gaar ah.

Qod. 104aad

(Xilka Xeer Ilaalinta Guud ee Qaranka)

1. Xeer Ilaalinta Guud ee Qaranku waxay ilaalisaa ku dhaqanka dhabta ah ee Sharciyada Dalka.
2. Waxay hubisaa in go'aannada, awaamirta iyo tusaalooyinka Hay'adaha Qaranku waafaqsan yihiin Dastuurka iyo Sharciyada Dalka.

3. Waxay dacwad ku oogtaa qofkii gala fal dembi ah.
4. Waxay kormeertaa Xabsiyada iyo xarumaha dib u edbinta carruurta.
5. Waxay ilaalisaa xuquuqda Dadka tabartayar.
6. Waxay fulisaa hawlihii kale ee Sharcigu u xilsaaro.

#### XUBINTA AFRAAD

#### GOLAHA SARE EE GARSOORKA

#### Qod. 105aad

#### (Xilka Golaha Sare ee Garsoorka)

1. Golaha Sare ee Garsoorku waa hay'adda hoggaamisa siyaasadda iyo maamulka Guud ee Garsoorka.
2. Golaha Sare ee Garsoorku wuxuu talo ka dhiibtaa masaabaxa Madaxweynaha Jamhuuriyaddu bixiyo, magacaabidda, beddelka, dallacaadda iyo shaqo ka fariisinta Garsoorayaasha iyo Xeer Ilaaliyayaasha.
3. Wuxuu kormeeraa hawlqabadka iyo anshaxa Garsoorayaasha iyo Xeer Ilaaliyayaasha.
4. Dhismaha Golaha Sare ee Garsoorka iyo habka shaqadiisa waxaa nidaaminaya sharci gaar ah.

Qod. 106aad

(Guddoominta Golaha Sare ee Garsoorka)

Madaxweynaha Jamhuuriyadda Dimoqraadiga Soomaaliya ayaa ah Guddoomiyaha Golaha Sare ee Garsoorka.

XUBINTA SHANAAD

MAXKAMADDA DASTUURKA

Qod. 107aad

(Dastuuriyadda Shuruucda)

1. Waxaa jireysa Maxkamad Dastuur oo awood u leh in ay go'aan ka gaarto dastuuriyadda shuruucda.
2. Maxkamadda Dastuurku waxay ka koobantaa Maxkamadda Sare oo ay kaabayaan Xubno ka tirsan Golaha Shacbiga ee uu magacaabo Madaxweynuhu, isagoo dhegeystay talada Guddiga Joogtada ah.
3. Habka shaqada, tirada xubnaha iyo mudada xilka ee Maxkamadda Dastuurka waxaa nidaaminaya sharci gaar ah

QAYBTA SHANAAD

DIFAACA IYO NABADGELYADA DALKA

Qod. 108aad

(Xilka Ciidammada Qalabka Sida)

1. Ciidammada Qalabka Sida waxay ilaaliyaan gobannimada iyo madaxbannaanida Jamhuuriyadda Dimoqraadiga Soomaaliya, waxay guulaha iyo miraha Kacaanka ka ilaaliyaan cadawga gudaha iyo kan dibedda, waxay sugaan nabadgelyada iyo xasil-

loonida gudaha, kaalin ka qaataan dhismaha Dalka.

2. Qaranku wuxuu xoojinayaa awoodda iyo aqoonta farsamo ee Ciidammada Qalabka sida, kor u qaadidda garaadkooda siyaasadeed, ku beeridda ruuxa waddaninimo iyo naf u huridda Dhulka Hooyo.

**Qod. 109aad**

**(Dhismaha Ciidammada Qalabka Sida)**

Sharci gaar ah ayaa tilmaamaya dhismaha iyo qaabka ay u habeysan yihiin Ciidammada Qalabka Sida.

**Qod. 110aad**

**(Guddiga Difaaca Qaranka)**

1. Guddiga Difaaca Qaranka xilkiisu wuxuu yahay inuu qiimeeyo Xaaladaha la xiriira difaaca iyo nabadgelyada Dalka, gurmayana wax kasta oo waxtar u leh haqabtirka baahida difaaca Dalka.
2. Guddiga Difaaca Qaranka waxaa Guddomiye ka ah magacaabana xubnihiisa kale, Madaxweynaha Jamhuuriyadda Dimoqraadiga Soomaaliya.
3. Sharciga ayaa tilmaamaya awoodda Guddiga Difaaca Qaranka waqtiga nabadda iyo dagaalkaba.

## QAYBTA LIXAAD

### QODOBBO KALA DUWAN

#### Qod. 111aad

##### (Saldhigga Shuruucda)

1. Dastuurku wuxuu leeyahay awoodda sharci ee ugu sareeysa.
2. Dhammaan Shuruucda, Xeerarka iyo awaamirta hay'adaha Qaranka waxaa saldhig u ah Dastuurka Jamhuuriyadda Dimoqraadiga Soomaaliya, waana in ay waafaqsanaadaan.

#### Qod. 112aad

##### (Wax ka baddelka Dastuurka)

1. Talo wax ka beddel Dastuurka waxaa soo jeedin kara: Madaxweynaha Jamhuuriyadda Dimoqraadiga Soomaaliya, Golaha Dhexe ee Xisbiga ama saddex meelood meel Xildhibaannada Golaha Shacbiga.
2. Golaha Shacbigu wax ka beddelka Dastuurka wuxuu ku guddoominayaa go'aan, ay isku raacaan saddex meelood laba xubnahiisa.
3. Wax ka beddelka Dastuurka ma saameyn karo arrimaha soo socda:
  - a) nidaamka Jamhuuriyadnimada ee Dalka;

- b) doorashada mabda'a Hantiwadaagga;
- t) midnimada dhulka;
- j) xuquuqda iyo xorriyadaha aasaasiga ah ee muwaadinka iyo qofka.

### Qod. 113aad

#### (Ku Dhaqan ku meel gaar ah)

1. Sharciyada hadda jira waa lagu sii dhaqmayaa, iyadoo intooda aan Dastuurka wafaqsaneyn lagu beddeli doono hal sano gudaheeda.
2. Ilaa iyo inta laga dhisaayo hay'adaha Dastuurkani tilmaamayo, awoodahoodii waxaa sii fulinaya hay'adaha imminka Dalka ka jira.

### Qod. 114aad

#### (Dhaqangalka Dastuurka)

Dastuurku wuxuu dhaqan galayaa laga bilaabo maalinta la soo saaro natiijada aftida oggolaashaha Shacbiga.

TUSMADA DASTUURKA

QAYBTA KOOWAAD

MABAADI' GUUD

XUBINTA KOOWAAD

*Jamhuuriyadda*

Bogga

Qod.	1aad — Qaranka Soomaaliyeed .	1
Qod.	2aad — Calanka, astaanta iyo magaalo - madaxda . . .	1
Qod.	3aad — Diinta iyo afka . . .	2
Qod.	4aad — Midnimada Shacbiga Soomaaliyeed . . . . .	2
Qod.	5aad — Dhulka Qaranka . . .	3
Qod.	6aad — Sinnaanta muwaadi- niinta . . . . .	3

XUBINTA LABAAD

XISBIGA

Qod.	7aad — Awoodda iyo hogga- minta Xisbiga . . . . .	3
Qod.	8aad — Midnimada hoggaanka Dalka . . . . .	4
Qod.	9aad — Doodaha, go'aanka iyo fulinta . . . . .	4
Qod.	10aad — Iskaabidda waajibaadka Xisbiga iyo Qaranka . .	4
Qod.	11aad — Xeerka Xisbiga . . . . .	5



Qod. 12aad — Ururrada Bulshada . . .	5
Qod. 13aad — Awoodda iyo waajibaad- ka Urrurada Bulshada . . .	6
Qod. 14aad — Dimoqraadiyada Gud- doonka Dhexe . . . . .	6

### XUBINTA SADEXAAD

#### *Siyaasadda Dibedda*

Qod. 15aad — Mabda'a aayakatalinta . . .	6
Qod. 16aad — Dalalka Soomaaliyeed ee la gumeysto . . . . .	7
Qod. 17aad — Siyaasadda dhex-dhe- xaadka iyo nabadkuwa- da noolaashada . . . . .	7
Qod. 18aad — Siyaasadda wax wada qabsiga . . . . .	7
Qod. 19aad — Qaanuunka Dawliga ah . . .	8

### QAYBTA LABAAD

#### XUQUUQDA, XORRIYAADKA IYO WAAJIBAADKA ASAASIGA AH EE MUWAADINKA IYO QOFKA

Qod. 20aad — Xuquuqda Siyaasiga, Dhaqaalaha, Bulshada iyo Hiddaha . . . . .	8
Qod. 21aad — Xaqa Shaqada . . . . .	8
Qod. 22aad — Xaqa Doorashada . . . . .	9

Qod. 23aad	— Xaqa Tacliinta . . . . .	9
Qod. 24aad	— Xorriyadda bannaanba- xa, faafinta qoraallada iyo ra'yiga . . . . .	9
Qod. 25aad	— Xaqa nolosha iyo na- badgelinta qofka . . . . .	10
Qod. 26aad	— Xorriyadda qofnimo . . . . .	10
Qod. 27aad	— Nabadgelinta qofka xor- riyaddiisa shakhsiga ah laga qaado . . . . .	11
Qod. 28aad	— Lahaanshaha Gaar ahaaneed . . . . .	11
Qod. 29aad	— Xurmada hoyga . . . . .	12
Qod. 30aad	— Xorriyadda isgaarsiinta . . . . .	12
Qod. 31aad	— Xorriyadda Diinta . . . . .	12
Qod. 32aad	— Xaqa dacwadda iyo is- difaaca . . . . .	13
Qod. 33aad	— Mas'uuliyadda ciqaabta . . . . .	13
Qod. 34aad	— Dib u noqosho la'aanta sharciga ciqaabta . . . . .	13
Qod. 35aad	— Isucelinta eedeysanaha ama denbillaha iyo ma- gangelyada siyaasadeed . . . . .	14
Qod. 36aad	— Ilaalinta hantida guud . . . . .	14
Qod. 37aad	— Ka qaybgalka kobcinta dhaqaalaha Dalka . . . . .	14
Qod. 38aad	— Difaaca Dalka hooyo . . . . .	15

Qod. 39aad — Dhawrista Dastuurka iyo Shuruucda . . . . .	15
---	----

QAYBTA SADDEXAAD

SALDHIGGA DHAQAN DHAQAALAH

XUBINTA KOOWAAD

*Dhaqaalaha*

Qod. 40aad — Horumarinta dha- qaalaha . . . . .	15
Qod. 41aad — Qaybaha dhaqaalaha . . . . .	16
Qod. 42aad — Kheyraadka dhulka iyo badda . . . . .	17
Qod. 43aad — Qorshaha dhaqaalaha . . . . .	17
Qod. 44aad — Ganacsiga dibedda iyo gudaha . . . . .	17
Qod. 45aad — Ilaalinta Lacagaha . . . . .	17

XUBINTA LABAAD

HORUMARINTA TACLIINTA IYO

CILMIGA

Qod. 46aad — Tacliinta . . . . .	18
Qod. 47aad — Tacliinta khasabka ah . . . . .	18
Qod. 48aad — Ciribtirka jahliga . . . . .	19
Qod. 49aad — Horumarinta cilmiga iyo adabka . . . . .	19
Qod. 50aad — Dhallinyarada iyo is- boortiga . . . . .	19

XUBINTA SADDEXAAD  
DHAQANKA IYO DARYEELKA  
BULSHADA

Qod. 51aad — Horumarinta hiddaha iyo dhaqanka . . . . .	20
Qod. 52aad — Caadooyinka bulshada .	20
Qod. 53aad — Xannaanada dhal- laanka . . . . .	20
Qod. 54aad — Horumarinta miyiga .	21
Qod. 55aad — Caafimaadka . . . . .	21
Qod. 56aad — Daryeelka qoyska. . .	21
Qod. 57aad — Shaqada iyo Shaqaa- laha . . . . .	22
Qod. 58aad — Qiimeynta Shaqada . .	22
Qod. 59aad — Taakuleynta iyo bad- baadinta bulshada . .	23

QAYBTA AFRAAD

QAABKA DHISMAHA QARANKA

MADAXA KOOWAAD

*Golaha Shacbiga*

XUBINTA KOOWAAD

*Nidaamka iyo hawlaha Golaha Shacbiga*

Qod. 60aad — Awoodda sharci dejinta	23
Qod. 61aad — Doorashada Golaha Shacbiga . . . . .	23

Qod. 62aad — Muddada xilka . . . . .	24
Qod. 63aad — Kala diridda Golaha Shacbiga . . . . .	25
Qod. 64aad — Kalfadhiyada . . . . .	25
Qod. 65aad — Fadhiyada iyo go'aan- nada Golaha . . . . .	26
Qod. 66aad — Xeer hoosaadka Golaha	26
Qod. 67aad — Awoodda Golaha . . . . .	27
Qod. 68aad — Xilsaarasho sharci dejin	28
Qod. 69aad — Sharciyada degdegga ah	28
Qod. 70aad — Talo-sharci . . . . .	29
Qod. 71aad — Sharciyada saameeya istraateejiyada Xisbiga . . . . .	29
Qod. 72aad — Soo-saaridda iyo faafin- ta sharciga . . . . .	29
Qod. 73aad — Xildhibaanaka . . . . .	30
Qod. 74aad — Xil ka qaadidda Xil- dhibaanaka . . . . .	31
Qod. 75aad — Kormeeridda Golaha . . . . .	32

#### XUBINTA LABAAD

#### GUDDIGA JOOGTADA AH

Qod. 76aad — Xilka Guddiga Joog- tada ah . . . . .	32
Qod. 77aad — Xubnaha Guddiga Joog- tada ah . . . . .	33
Qod. 78aad — Awoodda Guddiga Joog- tada ah . . . . .	33

## MADAXA LABAAD

### MADAXWEYNAHA JAMHUURIYADDA DIMOQRAADIGA SOOMAALIYA

Qod. 79aad — Madaxa Qaranka . . . . .	34
Qod. 80aad — Doorashada Madaxweynaha . . . . .	34
Qod. 81aad — Shuruudda doorashada . . . . .	35
Qod. 82aad — Hawsha iyo Awoodaha Madaxweynaha . . . . .	36
Qod. 83aad — Awoodda aan caadiga ahayn ee Madaxweynaha . . . . .	37
Qod. 84aad — Madaxweyne Ku-xigeennada . . . . .	38
Qod. 85aad — Xil gudasho karid la'aan . . . . .	38

## MADAXA SADDEXAAD

### DAWLADDA

### XUBINTA KOOWAAD

#### *Maamulka Dawladda Dhexe*

Qod. 86aad — Golaha Wasiirrada . . . . .	39
Qod. 87aad — Awoodda Golaha Wasiirrada . . . . .	40
Qod. 88aad — Nidaamka Dawladda . . . . .	41
Qod. 89aad — Mas'uuliyadda ciqabbeed ee Wasiirrada . . . . .	41

Qod. 90aad — Dhaarta . . . . .	41
Qod. 91aad — Barnaamijka Daw- ladda . . . . .	41
Qod. 92aad — Wasiirro Ku-xigeenno .	42

XUBINTA LABAAD

BAAHINTA AWOODAHA IYO  
MAAMULKA DALKA

Qod. 93aad — Fidinta maamulka . .	42
Qod. 94aad — Maamulka Hoose ee Qaranka . . . . .	42
Qod. 95aad — Golayaasha Shacbiga ee Degaanka . . . . .	43

MADAXA AFRAAD

GARSOORKA

XUBINTA KOOWAAD

*Mabaadi'da Garsoorka*

Qod. 96aad — Ujeeddada Garsoorka . .	43
Qod. 97aad — Midnimada Garsoorka .	44
Qod. 98aad — Madaxbannaanida Gar- soorka . . . . .	44
Qod. 99aad — Doodaha Maxkamadaha	44

XUBINTA LABAAD

MAXKAMADAHA

Qod. 100aad — Maxkamadaha Jamhuus- riyadda . . . . .	45
---	----

Qod. 101aad — Maxkamadda Sare . . .	45
Qod. 102aad — Habka Shaqada Maxkamadaha . . . . .	46

XUBINTA SADDEXAAD

(XEER ILAALINTA)

Qod. 103aad — Xeer Ilaalinta Guud ee Qaranka . . . . .	46
Qod. 104aad — Xilka Xeer Ilaalinta Guud . . . . .	46

XUBINTA AFRAAD

GOLAHA SARE EE GARSOORKA

Qod. 105aad — Xilka Golaha Sare ee Garsoorka . . . . .	47
Qod. 106aad — Guddoominta Golaha Sare ee Garsoorka . . .	48

XUBINTA SHANAAD

MAXKAMADDA DASTUURKA

Qod. 107aad — Dastuuriyadda Shuruuca . . . . .	48
--	----

QAYBTA SHANAAD

DIFAACA IYO NABADGELYADA DALKA

Qod. 108aad — Xilka Ciidammada Qalabka Sida . . . . .	48
Qod. 109aad — Dhismaha Ciidammada Qalabka Sida . . . . .	49

9



Qod. 110aad — Guddiga Difaaca Qa- ranka . . . . .	49
--	----

QAYBTA LIXAAD

QODOBBO KALA DUWAN

Qod. 111aad — Saldhigga Sharciyada Dalka . . . . .	50
Qod. 112aad — Wax ka beddelka Das- tuurka . . . . .	50
Qod. 113aad — Ku dhaqan ku meel gaar ah . . . . .	51
Qod. 114aad — Dhaqangalka Dastuurka	51

Waxaa lagu Daabacay  
Wakaaldda Madbacadda Qaranka  
MUQDISHO